


Goxzynski (Aquilini Michaelis): Vita eccle-
stici Philosophi B. Stanislai Casimierstani
per propositiones aeternae veritatis consum-
mata.

Crae typis Universit. 1693.

~~22375~~ 4152

Biblioteka Jagiellońska



stdr0004684



V I A
CÆLESTIS PHILOSOPHI,
B. STANISLAI
CASIMIRITANI,

Canonici Regularis Congregationis SALVATORIS
Lateranensis, Canonicae Cracoviensis Professi,

P E R
PROPOSITIONES *Æterna* VERITATIS & Sententiam,
inoffenso pede in Vitæ Cursu consummata:

Nec non

SUB FELICISSIMIS AUSPICIIS

&

PATROCINIO,
MAGNIFICI AC GENEROSI DOMINI,

D. STANISLAI
DE ZDANOW

ZDANOWSKI,

Burgrabii ac Notarii Castrensis Cracoviën:

Circa Festivam Sui Patroni Translationem Votiva devinctionis ergò
Luci publicæ

DEMONSTRATA,

A B

A.R.D. AQVILINO MICHAELE GORCZYNSKI,

Canonico Regulari Lateranē: S. Theologia Doctore & Professore,

Defendente R. D. Andrea Preysz, eiusdem Congregationis Canonico Reg: Lateranē.
S. Theol: Auditore, AA. LL. & Philosophia Baccalaureo.

In Canonica SS. Corporis Christi, Anno Viatoris DEI 1693. Die 8. Octobris.

CRACOVIAE, TYPIS UNIVERSITATIS.





Magnifico ac Generoso Domino,

D. STANISLAO
ZDANOWSKI,

BVRGRABIO & NOTARIO
CASTRENSI CRACOVIENSI, &c.

Domino Patrono Amplissimo.



Egalem disciplinam tam ad bene dicendum, quam ad bene viuendum repertam, Apuleius dixerit Philosophiam; ego perennibus celestis Vita conspicuam decoribus, tanquam Scientiam Sanctorum in Via, hodie in gratissimo conspectu Tuo volui comparere, MAGNIFICE ac GENEROSE DOMINE, PATRONE AMPLISSIME. Neutrâ viâ in publicum procedere videtur, quandoquidem ille, in cuius intamitatis satietimonia nitoribus adornata visitur & refulget; Divus STANISLAVS Casimirianus hac Via manente, nunquam ad dextram neq; ad sinistram declinavit. Eodem tenore Aeterna Veritatis Eclipticam emensus, usq; ad coronam iustitiae pervenit, quam victori rerum caducarum celestis Philosopho reddidit, in die Resolutionis sua, Iustus Iudex. Ita, certe in publico sole victoria, calitus spes & omen habet umbratica hac Philosophia, quam BEATI STANISLAI Sanctum Nomen inumbrat. caterum ut inter terrestres quoq; Philosophos legitime certasse & vicisse audeat, Te altero STANISLAO Iusto Iudice opus habet. Stabile id sibi

sibi ad coronam iter existimans, quod Tu eximio favore monstraveris, **MAGNIFICE DOMINE**, qui innumerâ virtute omnia Maiorum Tuorum decora complexus, merito etiam eorum supergressus amplitudinem, in Areopago Themidis Patria, ex oraculis censeris iustitia palma & triumphus. Non cessitabit inter strepentina contra argumentantium Saxa: non in biuio difficiliorum errabit: si post caelestem, Divi **CASIMIRITANI** tutelam pro Mercurio in Via, Tuam quoq; Patrocinantem gratiam, Viator Philosophus habuerit. Nempe, si inter dulces feriantis Minerue inducias, Cursum hunc Philosophicum ruri domiq; Tue, Te Spectante, Te fauente Patrono, in Conclusiones Allegoricas arctavi; quidni vacantis otij negotium, Amplissimo Nomini Tuo dictum eam? ut illi Viam favoris publici Optime Mecenas, Gentilitijs Tuis **SOLEIS** munias, & arbitrâ semitarum Nativâ **CRUCE**, aperias. Auspex bonorum **CRUX**, Divini stemma favoris, dulce decus erat præsidium & una Beati gloria **STANISLAI**, eius proinde Vita, Cruci per omnia conformis, vivam speciem in Philosophicis adumbratam dogmatibus, magno Honori Tuo iure merito solenniter devoveo. Illius voti desiderijq; plenus, ut, qui circa nuperrimam **TRANSLATIONIS DIVINISSIMI STANISLAI**, Tutelaris Tui Solennitatem mihi, Viam hanc argumentosam auspiciatò præire annuis Patronus, novo eiusdem Nominis Patrocinio, non sine Numine Divûm auctus; inde longioris vitæ faustum auspiciû sortiaris, successusq; Tuos fortunatos novis successibus augeas, caelestis benedictionibus dulcedinis abunde cummulatus Ita vouet.

Magnificæ ac Generosæ Dominationis Tux,

devinctissimus Servus,

MICHAEL GORCZYNSKI.

PROPOSITIONES ALLEGORICÆ. EX LOGICA.

I.



BEATUS STANISLAUS CASIMIRITANUS, in Alma Vniuersitate Cracovien: Philosophiæ Doctor, nec non eiusdem in Nostra Canonica Professor, vt se vel indè, *Logicum purè Practicum*, esse probaret, semper quod ore docuit, opere adimplevit. hinc ille *Logicam intra artes linum & lanam quærere, & consequenter cum sit Scientiarum prima servam tamen illam Scientiarum, imò simul Magistram & Discipulam esse censuit.*

II.

Idem bonus Logicus licet semper rectè (Fine scilicet Ultimo) concludere sciret, *pro Obiecto tamen Adequato Attributionis suæ Scientiæ non Syllogismum, nec partem cum illo habuit vt sciat se Scire, sed Operationem vt sic. Pro Materiali item obiecto non Res caducas & fluxas (nisi fortè indirectè in quantum Spiritualia non possunt subsistere sine temporalibus) non voces buccinantes sua encomia, non intellectum; vana cogitantem, vel eius Ideas sibi proponebat, sed Opera Trinitatis: Propter Rectitudinem Passuam in Fieri valdè bona approbando.*

III.

Distinctus realiter à DEO non fuit alius ab eo, dum essentialiter ad Modum Divi Pauli CHRISTO confixus est Cruci, vt in ipso vivere & mori, inseparabiliter in Cruce, adeoq; Inventæ Crucis die promeruerit. hinc ille *Distinctionem virtuales Intrinsicam, non alibi quærere, quam apud Dominum Virtutum satagebat (non tamen Distinctionem Formalem nemine cogitante) qui Distinctionem formaliter sumptam inter virtutes cælorum consistere in posuino noverat.*

IV.

DE Precisionibus Obiectivis scinditur incertum studia in contraria Philosophorum vulgus; Noster Logicus *neminem unquam vulneravit nec de facto vulnerare potuit, dum nulli quidpiam de suo detraxit, integrum jus suum cuiq; tribuendo, vt vel indè concatenatas virtutes esse edoceret.*

V.

Vniuersum tametsi totum quis circumierit, nil nisi circulum vitiosum conficiet, si quæret uniuersale; Noster Logicus cum Aristotele Palladem hanc è solo nasci cerebro asseruit, quia quidquid in rerum natura vidit, totum hoc sub ratione singularitatis vtpotè à singulari DEO conditum cognouit.

Quarè si *uniuersale* quis fabricare *volet* plura per *actum confusum* ad *incudem* *vocet* est *neceffe*. Nec *iatis* erat STANISLAO nosse *uniuersale* in *Causando*, quin sciret quid sit illud in *Prædicando*, siquidem præter Magisterij officium in ordine ad erudiendam Religiosam Iuuentutem, adeò eximie Prædicatoris Ordinarij munus persoluit, vt ex eo quis conuertibiliter concludere posset, Omnes Prædicatores esse Logicos & è contrà

VI.

Pradicabilia plura *ultra* 5. CHRISTI Vulnere non numerauit, proinde *Speciosum* præ filijs hominum cum Psalte volebat, cui per Isaïam non fuit *Species* neque decor, eidem *Genus* electum & *Differentiam* infinitam annexens, qui *Proprium* regnum reculauit, vt potè *Accidens* impertinens ad gloriam. *Individui quidditatem* nullibi melius quàm in eodem CHRISTO effigiauit, qui non obstatre dualitate naturarum *indiujsus in se & diuisus à* quouis alio erat.

VII.

Relationem in *abstracto sumptam*, Nolter Logicus docuit esse *ad aliud dum* in agendis *respectum haberet* ad statuta DEI: quæ cum duplex sit, hinc quia relatio Causæ primæ ad Stanislaum non habet vllum terminum, dicerem esse *Transcendentalem nisi scirem & Stanislaum* referri *Prædicamentali- ter ad suum Creatorem, & Causam primam eodem respectu ferri in Stanislaum.* & vel inde patet totam *Ituram Relationis Prædicamentalis non tantum con- stare Fundamento cum ratione Fundandi, sed etiam ipsum Terminum cum ratio- ne Terminandi intrinsecari eidem.* *Transcendentalis adhuc stabit, etsi reliqua sub- duxeris, dum modo Fundamentum non euerteris.*

VIII.

Positus in *signum* cui contradicatur à Cacodæmone ipsum adeò strenuè *Forma* Crucis superabat, vt non rarè etiam *Instrumentale signum* Crucis in voluntarijs afflictationibus carnis assumens ipsum immundum vnà cum mundo sub pedibus suis prostrauerit, vt vel inde *Rationem Formalem signi per* *volitionem hominum actu existentem aut Moraliter perseverantem constitui* edoceret.

IX.

Nomen Stanislai non tantum hominibus qui illud passim præferunt, sed etiam ipsi DEO *ad placitum* qui eiusdem Nominis viginti duos Po- lonos iam beauit. Aliæ *voces* vtrum *primò & per se* noscendus famulentur *re- bus an conceptibus* non est quæstio de voce; Nolter Logicus *Voce Crucifixi non conceptum* qui Crucis mortificationem in suo Corpore portauit, sed rem i- psam exprimebat.

X.

Si quis pro Tribunali Pilatus Nostrum Logicum roget: quid est veritas? Responderet esse *conformitatem actus cum obiecto.* & *omnem actum verum esse verissimum, nullum falsum falsissimum,* vel hinc rectè concludit, quod nè DEVS quidem ipsa veritas verius quid unquam protulit, quam: omnis ho- mo mendax. Idem Omnes Prophetas determinatè *verum, omnes Pseudopro- phetas determinatè falsum prædixisse* lumine fidei illustratus certò sciuit. Ego addo *sive de futuris sub conditione prophetarint siue sine illa* imò non tan- tum Nostrum sed minimum etiam Logicorum determinatè *verum posse prædicere, quid Antichristi temporibus sit futurum* censeo.

XI.

XI.

Optimè licet minimè tamen Peripatheticè videtur locutus Aristoteles: Anima fit doctior sedendo, melior Nostri Professoris Maxima: *Anima sapit discurrendo*, cuius continua occupatio fuit labor labiorum eius, vel orando, vel legendo, vel lecta alijs communicando, cuius scilicet insistentes vestigijs, licet non semper ad similes discursus *tribus utantur pedibus*, duobus etiam innixi non claudicant. Nec ignoravit *quemlibet discursum a deo potentem esse & efficacem Orationem*, ut etsi ferrea esset consequentia illam post se trahant *Premissa qualibet*, non tantum quo ad speciem, sed etiam quo ad exercitium, nihilominus non efficienter eam causando, verum formaliter extrinsecè.

XII.

Demonstrationem propter Quid seu à Priori adeò exactè sciuit, quod per eam priores laboriosis officijs honores subterfugerit, certissimam ex labore mercedem à DEO dandam inferendo. Quid dicam de Demonstratione Quia? non ignoravit namq; *quamlibet Demonstrationem pulcherrimam generare Filiam scientiam* cuius germanæ Coniugales duæ Certitudo & Evidentia non adeò nouercaliter dissident ab Opinione, ut huic in eodem intellectu imò actu de eodem obiecto nolint sociari; imò eundem actum sequi posse *vitam contemplatiuam & actiuam non raro in semetipso experiri fecit.*

EX PHYSICA.

XIII.

Idem Beatus Philosophus dum cerneret tempus resolutionis sue instare, factus est optimus Physiologus ut potè considerans *quid sit corpus naturale?* illudq; sicut à Tribus ita è tribus Fieri, scilicet: *Privatione Materia & Forma*, non ignoravit, *quanquam duo sufficiant in eodem fieri* consideranti vultum *Natiuitatis Suae scilicet Materia & Forma*. Similiter duobus constant quæ *facta sunt*, ut vel indè pateat pluribus principijs res egere *ut Fiant* quàm ut sint in Facto.

XIV.

Si *Materia Prima* iuxta Philosophum: est *Primum Subiectum formarum* hoc ipsum Noster Beatus in se exprelsit, dum sine exemplo primum existeret exemplar virtutum. *Rationem subiecti non in alio consistere intendens quàm in virtute perfectibiliter terminatiua unionis substantialis* cuius est *perfectiue terminatiua Forma*; in hoc tantum discrimen fecit, quia *Materia prima cum sit Protheus quidam Philosophicus qui se formas vertit in omnes* non ita ambit *videri Religiosa* ut cupidius feratur ad perfectiora: ille quæ sursum sunt sapiens non quæ super terram, ad ea quæ optima videbantur tendebat, vnicam cum Apostolo Apostolicus hic Vir religionem reputans, immaculatum se custodire ab hoc seculo. hinc patet *Materiam primam hoc tantum determinatum habere*, quod sit *potentia pura Passiua* [non est tamen *Potentia purè Obiectiua*] *indifferenter proferens de thesauris suis nova & vetera.*

XV.

XV.

Formas reperiri Substantiales easq; longissimè à se distantes ac dispares, non tantum noster Philosophus, sed ipsa etiam monstrat natura circumdata varietate, nihilominus *nulla ex ipsis est tota quidditas compositi*, sicut Beata Anima Stanislai in caelo, non est totus Stanislaus. Idem Beatus Frater cum sit, os de ossibus nostris, caro de carne nostra, satisfacit mutuo charitatis vinculo, si nos amet etsi non animet, *ne vel una Forma plures informet Materias, vel ne plures Formae sint in eadem Materia naturaliter, quamvis hoc totum fieri possit diuinitus.*

XVI.

Quam pretiosus fuerit Noster Stanislaus caelo, vel ipsa taxat inter *Materiam & Formam ejus Unio, quam unicam in uno Composito, idq; Substantialem & Materialem* probat ille, qui inventa una pretiosa margarita vendidit omnia quae habuit & emit eam. Idem Beatus Philosophus, cum *Materiam per se sciret informem & indecoram, eam hac ipsa Unione cohonestauit, utpotè Subiectum suum in quo sustentatiue recipitur, terminaturq; ad Formam tanquam ad terminum intrinsecum.* Similiter *Quantitas & Qualitates communes seu accidentia, non Formae aut Compositi totius, sed Materiae solius* dotes ei videbantur, & cum sit Religiosus pauper solam Animam beatam capacem Proprii esse asseuerabat, in qua *Accidentia propria* ceu in *subiecto proprio* collocabat. An autem *Quantitas sit immediatum subiectum accidentium?* sub Iudice lis est. senti quod libet. Nos in utrumq; parati clypeum versabimur ambidextri.

XVII.

Quod apud Philosophos *tria sint unum, & unum tria*, deduxit ille communi Paralogismo: Omne [Compositum] trinum perfectum; nec tamen inde de simplicitate Spiritus arguendus quod ultra tria numerare nesciuit, imò *illi potius redarguendi qui pro tribus vident quatuor.* Idem Beatus Philosophus fortitus naturam bonam, non fuit ipse *Natura, sed compositum ex naturis.* Et si verum est quod *Ars sit Natura semen & Discipula,* & quidem nonnunquam ingeniola super Magistram, ille nunquam *Arti sumpta pro habitu vel actu artificioso tantum adscripsit, quod potuerit Physicè & propria virtute causare effectus naturales distinctos ab aliquibus intellectio- nibus.*

XVIII.

Quamcunq; etiam indefectibilem *Causam censuit esse Principium virtu- te sua communicans alicui esse defectibile,* cum videat quod omnia sint hominum tenui pendentia filo, imò nec hominum tantum verum & DEI, adeo namq; non modo funiculo triplici connectitur DEVS, sed filo quoq; *minimo ut si hoc, ita impossibilitas implicaret, ut nodum euoluere nequirit DEVS, hoc ipso quoq; Diuina existentia quin & possibilitati filum praescindere.* Et licet non omnis *Causa necessario debeat esse prior suo effectu* duratione, nihilominus etiamsi *Causa & effectus ab aeterno extitissent adhuc Causam priorem effectu originatiue & natura ex communi Philosophorum sensu* esse volebat, quam in actu primo Physico cum Decreto DEI applicante Omnipotentiam, pari passu incedere non dubitabat.

XIX.

XIX.

Actiones seuerè in suum corpus aduertentis dexteræ cum producto termino in eodem subiecto recipi sensus Nostri docuit Philosophi, in innocuo scilicet corpore inflictas vulnerum cicatrices. *Nec has actiones distinguere à passione cruentis rasum limis quas patiebatur, sensit Nostri Philosophi corpusculum.* Idem Beatus Philosophus in omnibus actionibus tenebat Modum, minimè hac in parte imitatus DEVM, qui cum sit ordinatissimus, operatus est sine Modo, etiam die Sabbati quiescendo ab opere mundi sextiduo, quia *unum est facere & conseruare.* Hinc ille cum neminem unquam læserit neminè ladi à seipso nisi à proximo censuit, maleuolos sibi animos, illa depingens epigraphè: proximus ardet vcalegon. Idem imò non idem tantum, sed ipsi etiam lepores sciunt, *Causam non existentem operari non posse,* cum plerumq; mortuo impunè insultent leoni, alias enim contra communem sensum dicere debuisset *aliquid causare seipsum posse quoad primum esse, quod se nec quo ad secundum causare potest.*

XX.

Idem Beatus Philosophus exploserat factum Philosophorum tribuentium *vim Creaturis seipsas conseruandi tam in Fieri quam in operari,* ex quo strictam in operando dependentiam ab arbitra Superiorum sententiâ dedicerat, à qua absolui piaculum potius, quam absolutionem credidisset.

Quid autem de Diuino influxu censuerit palam est, in quem toto alueo immensum mare DEVS influxerat. Nullum proinde Proregem aut Vice DEVM subrogare sibi potest DEVS, in quem concurrendi munus aut Provinciam exoneret. *Sceptra & imperia, quam facile alius ipse, tam nemo illi potest eripere, imò nec ipse sibi.*

XXI.

Nihil in Sacro libertatis Regno Seruorum DEI omnibus numeris absolutus Beatus iste Philosophus inuitâ faciebat Religione, quare ut præiudiciosam libertati humanæ expunxit Prædeterminationem Physicam, similiter Decretum DEI efficax scylla & charybdis videntur libertati humanæ. Igitur qui securè nauigare Voles, heu fuge lirtus avarum! tutissimum iter incesseris, per quod ad fortunatas vsq; penetres, si clauo libertatis tuæ Nauarchum admoueris, cui Nomen *Decretum DEI inefficax.*

XXII.

Sciens non procul à proprio stipite poma cadere, cum sit ipse honestissimis & Nobilibus ortus Parentibus, etiam ille nunquam infixus in limbo profundi vbi non est substantia, legitimè subintulit: *Substantiam non nisi similem sui parere substantiam, at nonsemper, parturit & nonnunquam degeneres filios accidentia.* Quid mirum Heroum filij non solum Heroes sed & noxæ? *Accidentia tamen nulla ratione aut experimento probauit aliquando genuisse substantiam, nisi fortè eadē simul cum substantia effectiue instrumentaliter concurrant: Vel per potentiam obedientialem ut vel inde Religiosæ Vitæ sectatores, obedientiæ virtutem æstiment, cum obedire posse, sit posse omnia.*

XXIII.

Minimum se in suâ Religione reputans, Quantitatis conceptum in magnitudine patientiæ definiuit; nulla enim parte aduersis peruius & penetrabilis, *Quantitatem in impenetrabilitate partium cum alio Entè constituerat*; hinc ille in patiando metas transcendens, & adulatricem superans discretionem, pia suppliciorum catasta corpus domando, *Discretam Quantitatem non esse veram quantitatis speciem iudicauit*, & ad speciem credebatur Religionem, si amplius & amplius non pateretur, vt afflictionum seriem discernere, & ad calculum posset revocare.

XXIV.

In charitatis negotia ob commodum proximi se diuidens *Continuum ex Indiuisibilibus componi non admisit*, in quibus nunquam decrescens pusillanimitè etiam *Minima Physica Continuo obesse censuit*, ex partibus finitis in infinitum diuisibilibus illud componi docuit nihilominus, dùm collectam Paternæ fortunæ supellectilem partiretur in egenos.

XXV.

Infinitem intra sua concluderat merita esse illud ex quo successiue accipiendo, nunquam est deuenire ad ultimum; tantum enim meritorum ararium tot sæculis nequit exhaurire posteritas. De Categorematico infinito in numero & extensione iustè dubitauit, cum Beatarum mentium cumulum, tantum alias, quem dinumerare nemo poterat, in sui conspectum effusum finitum deprehenderat, & sui adiectione maiorem fecit. Famam verò Nominis ad utramq; solis extendens metam, ultra theatrum Orbis extendi in infinitum hucusq; expensur.

XXVI.

Licet non repugnet aliquem existere diuinitus sine omni vocatione seu presentia formali Stanislaus non potest esse, & tamen nullibi esse, imò potius dum Orbi Lechico fauet patrocinio, posse diuinitus simul esse aliquem in pluribus locis adequatis, suo docet emolumento. Videat ergo verus obediens qui dono replicationis insigniri velit, replicas vitet necesse est. Cum autem Replicatio nihil addat nisi locum benè sequitur, quod si Deus Nostrium Philosophum replicaret, ni miraculo miraculum cumulare vellet sine satellitio qualitatū id facere non posset, quas sibi naturali jure vendicat; secus tenendum est de accidentibus essentialiter affixis loco vel repugnantibus eodem subiecto. Porro quia sacrarum qualitatū plenissimus fuit, vacuum in natura non admisit.

DE ORTV & INTERITV.

XXVII.

Coelo maturissimus Philosophus Noster Religiosæ vitæ exorsus infantiam, Generationem definiuit mutationem totius in totum nullo sensibili manente vt subiecto; tunc enim senserat iam non se vixisse, sed CHRISTVM in se, dùm sacra quadam metamorphosi vbi niuæ mentis candor cum veste sa-

ste Sacra successerat, leues etiam noxas expunxerit. hinc inferre *quid sit Natiuitas facile est, quod sit origo viuenti à viuente in similitudinem naturæ,* nam vitæ æternæ animatus inspirationibus, per religiosi cultus possessionem, Diuinam non humanam vitam instituerat.

XXVIII.

R *Arefactio* multos hætenus in angustias cōdensauit. in eius decisione tot propè operam suam posuerunt Philosophi, quot in Dianæ templo Reges Asiæ. & nondum finis adhuc hodie multos Oedypus Spynx hæc Philosophica fatigat: Noster Philosophus in hoc negotio sicut *minima Prætor, non curat corpuscula. Nec punctum cum illis ponit qui ad puncta recurrunt buccata & bullata;* quæ quidem nunc è muscis in elephantos, nunc in mulcas vertuntur ex elephantis. *Nec illam censet fieri per productionem nouæ quantitatis ipse iam quantus sit in profectu virtutis & doctrinæ ostendens, sed per productionem qualitatis exigentis maiorem extensionem localem Corporis rari,* quasi vellet eo ipso non Patriæ soli, sed vniuerso Orbi succurrere rarâ pietate.

XXIX.

Q *Vid autem sit conuersio* illi didicerunt, qui sub hoc sapuere Magistro, è sæculari conuersi vita in sanctiorem transitum *vnus rei in aliam asserentes; exuere namq̃ oportere Veterem hominem & induere nouum suo exemplo probauit,* ad cænobiticam vitam aspirantes, cum *precedentem Formam ex animo expulerat, quam aliquantum mundo conformem protulerat.* Idem Beatus Philosophus *augeri, nutriri, alterari corpora motu successiuo & quidem continuo docuit,* in perfectione festinando lentè [sciens ipsi etiam naturæ placere lenta non violenta] nè succumbat, *Morulas non admittendo vel nè deficiat non proficiendo, vel nè aliquam morositatem committat.*

XXX.

Semper eundem animi tenorem seruans, alterationem definiuit, potius quam sensit: *Esse nimirum motum ad qualitatem,* immotus alias à passionibus, nisi sacro spiritus calore motum fuisse censeamus. *Corruptiuam Alterationem illam docuit, per quam subiectum idem manens sensibile, mutatur in passionibus contrarijs vel medijs:* passionibus quippè contrarijs profligatis manlit sensibilis sine molestiarum sensu. In Eurippo Crucis Christi cælestis hic Philosophus absorptus, flammam corporis restringendo *docuit qualitates contrarias fluentes scilicet lachrymarum effusa, & hunc ignem in sui corporis subiecto potuisse subsistere:* iam verò asperè tractans molle corpus, saxo inter somnum visuâ conciliari diuinitus potuisse hanc qualitatum antipathiam in se probauit.

XXXI.

Intensis Diuini amoris actibus abreptus, *Intensionem nil aliud quam augmentum sacra qualitatis in parte subiecti hoc est in anima senserat.* Per hunc ergò ascensum mentis, DEO vicinior, *fieri intensionem vnus gradus ad alterum & quidem homogenei ad homogeneum accessione, non dubitauit;* horum enim concordia res parue crescunt, discordia maximæ dilabuntur. In clara doctrina & via illuminatiua perfectus, *docuit luminis intensionem principaliter pro-*

duci ab agente luminoso, ad quod suam explorabat palpebram, ad solem videlicet Iustitiæ CHRISTVM.

XXXII.

Non obstante quod ipsa rerum natura doceat altercari homines dando locum actionibus & reactionibus, Noster Philosophus dum lacefferetur injurijs nunquam reagere visus est; imò antiperistaticam intensionem dari probans practicauit illud: Creuit ab aduersis virtus; cum nimirum inter circumstantia contraria fortior semper euaserit. Idem Beatus Philosophus simile non agere in simile didicit ex illa parramia: Simile simili gaudet, non secutus illos qui persequabantur iustum, sed potius Psalmistam loquentem: cum sancto sanctus eris, cum peruerso peruerteris.

DE ELEMENTIS.

XXXIII.

Nulli unquam nisi sibi grauis, inq; moribus nunquam levis, palam fecerat, *Elementa nec grauitate nec leuitate in proprijs locis*, hoc est fastuoso humore nunquam visus ferri præ cæteris, nec à terrenis sensum cælestium deprimi passus. Compositionis expertia volunt esse Chimici Elementa, sed simplicitate quam illis arrogat videntur ipsi laborare: melior nostri Professoris sensus, qui vult esse composita ex Materia & Forma, cum se alias compositissimus ad normam componeret regularum. Non est autem necesse, ut Stanislaus circumferat in se quatuor Elementa actu & formaliter, ad hoc vt sit dicaturq; microcosmos & quali perfectionum epithome, sed sufficit si quatuor illorum polleat virtutibus, seu qualitatibus & quasi cardinalibus.

XXXIV.

Terram appetitiuam sicci magis quam frigidi censuit in siccis & inedia terreum corpus macerando. huius afflictationis appetentissimus erat, quod ea victitare videretur. Liquescentem verò in lachrymarum vndis temperari internos æstus non frigidus Religiosus expetebat: quare aquarum sacrarum Elementum testatus est appetitiuum esse magis frigidi. Veratissimus alias in omnibus circularem motum à terra relegauit. Trepidationis etiam motum timuit illi incutere, pro terra nunc quoq; pavidus, ne à vindice dextera Numinis calibus succumbat.

EX ANIMASTICA.

XXXV.

Idem B. Professor egit tunc vel maximè de Anima, cum ageret Animã, nam Aeterni Verbi ad Sanctorum agmina vocatus effato: Hodie mecum eris in Paradiso, subito Immortalem Spiritum quem semper promptum gessit ad obediendum vocanti, in manus suo reddidit Conditori. Noscens autem seipsum cognovit quid sit Anima, proindeq; subscripsit definenti Philosopho, quod sit actus primus corporis physici organici potentia vitam habens, nullatenus consentiens eis, qui animam corpori suo organico atq; or-

gano.

gano organistam exterius tantum harmoniam moderantem addiderunt. *Viuens in actu primo optimè definiuit esse id quod constitutum in suo statu naturali ac perfectò, mouet se ab intrinseco seu operatur immanenter; multa enim bona operatus est quorum cognitionem ad nullius voluit transire notitiam. Idem plurima annotauit in libro viuentium inter quæ adnumerauit etiam ossa arida, quibus se tanquam propugnaculis tueatur aduersus mortem osseam hoc est secundam.*

XXXVI.

A Nima STANISLAI ad imaginem & similitudinem DEI microcosmum suum regebat, *ut tota sit in toto, tota in quauis parte, proindeque nemo tam acre ferrum reperire unquam poterit, quod usque ad diuisionem Animæ Rationalis peringat. Animas nihilominus sensitivas diuisibiles integraliter mors eius docuit, dimidium liquidem animæ suæ Religioni reliquit, quam teruentissimè non secus ac in Vita sua filiali foueret affectu. Et cum nunquam versipellem gereret animum rectè tenet animus, omnes partes in quas Anima materialis est diuisibilis, esse homogeneas. An autem vnus altero intra eandem speciem animam sortitur meliorem? de Beata STANISLAI Anima certò liquet, eam esse perfectiorem alijs accidentaliter, substantialiter autem loquendo, omnes pistorum animæ eiusdem farinae, omnes braxatorum eiusdem sunt fecis. quanquam de possibili aliter fieri non implicet.*

XXXVII.

N On immemor illius axiomatis Diuus hic Philosophus: Non sunt multiplicanda Entia sine necessitate, *Potentias non distinxit realiter ab Anima, nisi tantum formaliter inter se, ab Anima autem saltem inadequatè; quæ enim id extorquet necessitas, ut seipsa nihil posse, sed tantum ancillarum stipata satellitio, operâ, anima dicatur? præsertim, cum vel concessa etiam hac inter Potentias & Animam distinctione, adhuc Beata Anima STANISLAI non minus immediatè actibus bonis operam dare debuerit, ac si nullas eiusmodi in ministerio famulas haberet; sic enim totum reputatum est illi ad iustitiam.*

XXXVIII.

D Ari Species impressas in phantasia & externis potentijs admiserat, dum per resignationem propriæ voluntatis in manus Superiorum, rerum Species amitteret, indeque speciosior præ cæteris factus est, exsortem se omnium rerum faciens, & noxarum tantummodò heredem autumans. *Quid autem sit Species impressa? Certum imprimis est eam non esse imaginem, idolum, & simulacrum obiecti, in quo prius cognito cognoscatur obiectum; omnibus liquidem Virtutibus recipiendis non ad speciem palliatam hypocrisis annuit, sed de formis sacris Virtutum sibi intrinsecè inhaerentibus inesse eas fecit. Est ergò Species impressa ab obiecto producta ad hoc, ut cum potentia effectiue concurrat ad vitalem operationem per modum comprincipij determinantis ac complentis potentiam* Stanislaus in ordine ad eliciendas operationes suas.

XXXIX.

Idem quid sit definitiue *Habitus* *Vt sic*, & quotuplex demonstrauit, quando per frequentatos actus faciendo bonum, a malo declinauit. Qui licet Sanctissimè Religiosam Paupertatem coleret, præter *Habitus Intellectuales*, quos semper retinuit quinq; Scilicet *Habitus Intellectus* in omnibus assentiendo primo Principio, *Sapientiam* contemplando magnalia DEI, *Scientiam* & *Artem* cognoscendo certo & infallibiliter, vnaq; praticando quæ erant sui instituti, & *Prudentiam* dirigendo actus suos ad finem supernaturalem: ditior fuit affectiue; nouit enim combinari posse ista duo, & vouere paupertatem & pauperem non esse.

XL.

Sentiens Noster Professor aliam legem in membris suis repugnantem legi mentis suæ, per experientiam didicit, nobisq; discendum proposuit quod *actus*, si subiectum habitu contrario subiectum inuenerit, non illico domo sua illum exiit, primo statim aduentus sui instanti, sed expectat dum pedem firmet & euadat, necessarius, & tunc demum nouo etiam habitu auctior quem ipse generat, veteros migrare colonos, quæ datâ portâ, facit. Similiter experimentaliter argumeto probat, neminem ita nudum ex actibus a natura procreari, ut sine habitu in lucem prodeat, nouo & quasi nuptiali; tantam quippè ad operari benè promptitudinem habuit, ut quod semel fecerit bonum, semper ad illud faciendum necessitatus fuerit.

XLI.

In *Intellectus Stanislai* quo nil speciosius etiam modo sine specie in obiecta non tendit, nec inter potentiarum materialium subselia connumerari debet, verum ad maiora natus in ordine residet *Spiritualium*. Apprehendit sine manibus dexterrimè iudicat, sine oculis acutissimè, discurrit sine pedibus velocissimè. Omnia peruadit, omnia penetrat. Præter DEUM vix quid dederis cuius abyssum solidè non attingat, aut possit attingere. Soboles eius *Intellectio* qualitas ab omni seruitute libera & absoluta, adequatè & formaliter constituta termino & actione simul.

XLII.

Cecitatem voluntatis humana compensauit aurea libertate Natura, & quod ipsi famuletur *Intellectus* faciem præferendo & filum prrigengo nè gradatur in incognitum, vel in errorem impingat: Nostro Philosopho præter commune præuilegium natura, desuper à Patre luminum datum est, quod incedere possit recta etiam sine face, tantopere boni appetens & a malo abhorrens, ut malo nunquam benè velle, quæ tali, bono nunquam malè affici queat, quæ bono; Cui licet non sit indultum idem obiectum efficaciter velle & nolle nisi in sensu verificatiuo illius scripturæ: Tempus dilectionis & tempus odij; Noster Philosophus potuit simul vtrumq; & persequi peccata; & prosequi virtutes, vitare nociua, & invitare ad salubria, abhorrere prohibita, & adhærere præceptis.

XLIII.

Tantum autem voluntas *Intellectui* præcellit inter potentias, quantum inter metalla aurum ferro; *Intellectus* enim ferrea necessitate tenetur, voluntas libertate polles aurea, tali tamen quæ formaliter loquendo non est adequatè intrinseca actui voluntatis. Præterea voluntas amplissimam domi suæ numerat familiam, multos habet liberos, multos famulos & quidem necessarios, nam cum Beatus iste elegerit vnicè abiectus esse magis in domo DEI sui, quam habitare in tabernaculis peccatorum, hinc colligere licet non esse electionem liberam, si medium tantum sit vnicum ad finem. Similiter actus imperati, etsi titula præferant libertatem, non erant liberi STANISLAO, ob abnegationem propria voluntatis Imperanti, sed serui Seruorum DEI.

EX ME-

EX METAPHYSICA.

XLIV.

AD ea quæ naturæ meras exceſſerunt facit hîc illuſtrem metaphoram Noſter Philoſophus ad Metaphyſicam ſcilicet. Sapientiam ille iuxta mentem Doctôris Gentium ſtultitiam reputauit, quare & *Metaphyſicam Scientiam tantum ſpeculatiuam appellauit, & ſecundum quid ſapientiam. Eius Obiectum Formale Adequatum Attributionis Ens Entium eſſe ſtatuit, tale tamen quod æquanimiter & vniuocè Creatrem & creaturas reſpiceret; ad cognoscendum enim DEVM & ſeipſum omnem meditando rationem reſerebat.*

XLV.

Nulli unquàm repugnans Entis rationem expreſſit, ſcilicet eſſe id cui non repugnat. *exiſtentia: iam verò inter Ens formaliter ex parte actus & differentias ab improbis & diſcolis ſcilicet virtutes ſerè omnes nodum iam arctum intercedere ſenſit, vt Alexandri acinace res egeat. Pure poſſibile non eſſe meram denominationem extrinſecam ab Omnipotentia DEI, ſed eſſe aliquid intrinſecum rebus quæ denominantur hoc ipſo oſtendit, quia idem prorsus olim exiſtit, quem poſſibilem & futurum nobis per omina ſanctitatis inangurauimus.*

XLVI.

AD DEI & proximi obſequia Noſter Philoſophus totum ſe effundens, didicit *exiſtentiam à proportionata ſibi eſſentia non poſſe diſtingui realiter rigoroſè; imò ſi quando exigit ſermo inter Fratres de actuati exiſtentia, illam nec propriè phyſicè diſtingui, nec propriè phyſicè identificari cū eſſentia aut cū Exiſtentia purè poſſibili aſſenerat ſic eos volens manere vt in ſociatis conſortijs nulli ſe faciant nimis ſodales, nè minùs gaudeant doleantue nimis. Vnde tantum inferre licet eſſentiam & exiſtentiam poſſibilem ab eſſentia & exiſtentia actuali poſſe diſtingui realiter inadæquatè ratione diuerſorum ſtatuum.*

XLVII.

Prinſipium indiuiduationis non tenuit accidentia characteriſtica, minoris notæ & abiectiōis videri ambiens. *Nec Materiam ſignatam accidentibus, nunquàm enim Materialis fuerat Religioſus, vt tantum ambiret notari aduentitio horum colore & ſpecioſis accidentibus. Circumſtantias quoq; loci ab hoc excluſit munere, ſublimi loco ſupra cæteros detrectans eminere & ad apparentiam eſſe: ſed adequatum prinſipium indiuiduationis ipſam entitatem rei cenſuit in nullo unquàm notatus, ſed ſola ſui imagine in poſteriorum notus memoria.*

XLVIII.

Conceptum Subſtantia in ſe exhibuit cæleſtis hîc Stoicus eſſe *Ens per ſe ſtans; nunquàm enim alieno ſtare ſuffragio viſus, ſed erectiori in virtutem animo, perenne fulcrum ſtetit & ſtat Patriæ. Accidentis quoq; naturam non excluſerat à ſe, cū dependere & eſſe ab alterius ſubiecto, cui ſe ſubiecerat, exigeret magis quàm præeminere.*

XLIX.

Conceptum Subſiſtentia, quæ eſt quidam terminus & coronis natura ad ſaſligium ſuum perducta, *Antiſtes Cracoviensis Divus STANISLAUS in eo expreſſerat, quem morbo fractum ad agendum pro DEO fortiter erexit, inq; locum ſui velut Atlantem ſuſtentando Lechico Orbi, vt ſubiſtat perenniter ſubrogavit. Quam ſubiſtentiam quid negativum eſſe negamus, cū nihil ſupplicibus negare ſtuduerit.*

L.

DEUM quem nemo vidit unquam, non tantum fidei & rationis oculo, sed etiam facie ad faciem in Rupellana Ecclesia Tutelaris sui orans conspexit, *eius existentiam omnibus etiam cecis à posteriori demonstrans manu miraculosa in certo beneficiorum indicio.* De alatis Genijs seu Angelis melius illi, qui sub umbra viuunt Doctoris Angelici, quam qui Solem adorant Aristotelem, primum secutus in vita *Noster Angelus Angelorum existentiam suo cum illis commercio monstrauit, quibus deformitatem appinxisset, si illos vel Materia, vel Forma adornasset.*

LI.

ContradiCTORIORUM paradoxam existentiam facile conciliauit, ut *Ens effecerit Rationis*, nam ubi in vita videri desijt, videtur maxime post funera in miraculis. *Quid sit Priuatio?* etiam post peractum Vitæ cursum sanctè conclusit *Carentiam, scilicet esse formæ in subiecto capaci.* Sic iam Noster consummatus Philosophus, ex quo semper bonum certamen certauerat, in præmium meriti à Chara Matre Academia Baccalaureatu Theologiæ insignitus, dum prænosceret *Priuationem ratione sui non suscipere maius prout nec minus, nisi ratione termini si sit capax intensiōis*, ad cælestem Theologiam gradum fecit coronâ iustitiæ in termino Beatorum decorandus. Cui etiam Nos honoris *Ergo* particulam deferentes trieteridis Philosophiæ Tractatum dicamus



BIBLIOTH. UNIV.



sed
exit,
sa in
i sub
pri-
mercio
passer.

effice-
ra in
lulic
natus
me-
ano-
rmini
x in
am

